

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

IX. De varijs contractibus post mutatum antehac pecuniæ Valorem in
Imperio consuetis.

[urn:nbn:de:hbz:466:1-72877](#)

starium, esse etiam dispositionem rationabilem su-
perioris potestatis, seu consuetudinis equivalentis.
Cum ergo lucrum illud quinarium in mutuo etiam
absque alio titulo vbiique permittatur, & litiganti in
tribunalibus adiudicetur, videtur tum vi consuetu-
dinis, tum vi dispositionis superioris potestatis, esse
licitum, quamvis nullus etiam alias titulus interue-
niat. Respondeo, negando consequentiam. Praxis
enim illa iudiciorum supponit quidem, & quasi ta-
cere presumit, adfuisse & adesse iustum titulum ac-
cipiendi quinarium lucrum, vt reuera communiter
reipla non abest; at vero non approbat eiusmodi
lucrum, quasi per solum mutuum absque alio titu-
lo iuste alicite accipiat. Quare nec in conscientia
tutus est, qui in hoc contractu nullius alterius ti-
tuli rationem habet: esto absolute loquendo statui
fortasse per utramq; supremam potestatem, ex causa
rationabili, lex posset, vt in omni mutuo (non vi
mutui) absq; alio titulo, quinq; ex centum accipe-
re liceat, ipsa dispositione magistratus titulum
supplente. Atq; hi sunt præcipui contractus, qui in
præsenti videbantur explicandi; de cæteris enim
iam alibi diuersis in locis egimus; nimurum deludo
& sponsonibus, supra quæst. 6. dubio 9. de Pignore
ac perceptione fructuum ex pignore, supra
dub. 3. & partim etiam quæst. 6. dub. 2. de com-
modato qua ratione à mutuo differat, & cuius cul-
pa præstationem exigat, eodem dub. 3. & quæst.
6. dub. 2.

Solum de fidei iussione, assecuratione, deposito,
& hypotheca hæc præterea notentur. I. Fidei iussio
est alienæ obligationis in se susceptio, qua se quis
obligat ad eam implemandam, si debitor principalis
non soluerit; sive id gratis fiat, sive pro debita com-
peniatione. Quæ quidem obligatio inualida est, cu
principalis debitoris obligatio omnino inualida
est.

Requiruntur autem in diuersis fideiussoribus, ac
præsertim in muliere, certæ conditions, quæ etiam
pro marito fideiubere non potest. Alioqui comuniure,
omnes fideiubere possunt, qui possumunt
principaliter obligari: & nisi facta sit exceptio,
quando sunt plures fideiussores, pro eodem debito,
singuli tenentur in solidum.

II. Contractus assecurationis, est periculi alieni
præstatio, seu gratis, seu certo pretio suscepta; quo
casu, ad contractum emptionis & venditionis re-
uocatur. Iustus est, si fraus desit, & pretium sit pe-
riculo proportionatum, virorum sapientum iudicio:
quod pariter etiam de fideiussione dicendum
est, ob parem virtusque rationem.

III. Depositum dicitur, tum res ipsa, quæ aliqui
custodienda traditur, tum contractus, quo aliquid
traditur custodiendum, vt integrum restituatur, vt
colligitur ex l. 1. ff. Depositi. Et merito pro cura
custodiæ iustum pertium exigitur.

Nec potest communi iure depositarius vi deposito,
nisi ex consensu expresso, vel probabiliter pre-
sumpto ipsius deponentis, vel quando depositum
est res vsu consumptibilis, puta pecunia, triticum,
&c. & depositarius certus est, se quando depositum
repetetur, paratum habiturum tantundem, eius-
dem mensuræ & bonitatis; tunc enim saltem non
erit mortale vi deposito, vt docent Syluester V. De-

positum num. 10. Molina disp. 534. Lessius cap.
37. dub. 2. Quando autem depositum possit non
reddi, & ad quam culpam teneatur depositarius
dictum quæst. 6. dub. 2. & 15.

IV. Pignus & hypotheca, tum pro re ipsa, quæ
creditori exhibetur, ad assecurandum debitum à
debitore, tum pro contractu seu conuentione in-
ter debitorem & creditorum, qua pignus seu hypo-
theca constituitur, tum pro obligatione quæ ex
contractu nascitur, accipitur.

Differunt tamen, quod pignus propriæ est rei
mobilis; hypotheca rei immobilis: quæ etiam con-
trahitur vel expresse, nempe ipsa partium conuen-
tione, aut decreto iudicis; vel tacite, nempe legis
dispositione, vt in multis casibus accidit; vt videre
est apud Sylvestrum V. Pignus quæst. 2. Molinam
disp. 526. Lessium cap. 28. dub. 6.

Vtraque hypotheca vel est vniuersalis, in qua
omnia bona debitoris obligantur, tam præsentia-
scilicet, quæ futura, iuxta l. fin. Cod. Quæ res pignori:
vel particularis, qua res certa obligatur: quæ tem-
per afficit rem ad quemcunq; perueniat, donec vel
solutum sit debitum, vel obligatio condonata, vel
prescriptione extincta. Plura apud citatos.

D V B I V M IX.

*Quidnam in particulari iudican-
dum, de varijs contractibus, &
contrahendi modis, his proxi-
mis annis (Anno 1620. & seqq.)
in Imperio, ubi moneta antiqua
valor adeo excreuerat, usita-
tus.*

Ad s: Thomæ 2. 2. q. 77.

E xplicauimus hancen breuiter communes, &
vbiique receptos contractus, & contrahendi
modos, idque secundum communem Reipublicæ
statum, ac consuetum pecunia, quæ fere contractus
reguntur valorem. Nunc ea difficultas paucis ex-
pendendare restat, quid sentiendum sit de varijs con-
tractibus, & contrahendi modis, qui proximis an-
nis ab anno 20. vsque ad annum 25. quo tempore
valor Taleri imperialis (in se penitus inuariati) ad
quatuor, sex, octo & deniq; decem vsque floren-
orum pretium excreuerat, in vsu fuerunt. Quæ quidē
difficultas locum habet, tum in omni contractuum
generi; tum præcipue in solutione debitorum an-
tiquorum, in emptione ram mobilium, quam im-
obilium rerum, in locatione & conductione ope-
rarum, & in mutuo: de quibus singulis breuiter a-
gendum.

Et quod ad debitorum solutionem attinet, cum
per se confitet, noua debita, tempore mutati valoris
pecunia contracta, sub certo florenorum impe-
rialium numero, per se loquendo, recte eodē num-
ero, stante scilicet eodem pecunia valore, persoluta
fuisse; quandoquidem ea ratione inter creditorē &

debito-

debitorem iusta æqualitas seruata fuit. Verum de antiquis debitis, quæ ante tempus aucti valoris moneta veteris contracta fuerant, vbi verbi gratia Talerus Imperialis non nisi floreno, & tribus, quinque, vel sex bazijis, vel ut summum selsqui floreno constabat, difficultas est; an iuste æquali florenoru imperialiū numero solui potuerint, aut debuerint.

233 Vbi simul generatim suppono, cum eiusmodi casus, ac difficultates communī iure nusquam definitæ sint, eas vel iure municipali, vel iudiciorum praxi, adeoque iure consuetudinario (quale tamen constans & uniforme vix reperitur) vel ex naturali æquitate dissoluendas esse. Quamvis enim ante hac etiam fuerit aliqua inter Doctores controuersia, utrum in commutationibus etiam habenda sit ratio valoris intrinseci ac naturalis monetæ; aliquibus existimantibus, eius rationem nullam habendam esse, ut etiam de Cambijs indicaimus; id tamen quia ex exiguis solum minutis tunc agebatur, ad presentem controuersiam nihil attinet; vbi tam enorimter valor pecuniae mutatur, non solum intrinsecus, sed etiam extrinsecus, ut dicetur. Ea igitur naturali æquitate spectata, ac supposita generali doctrina de contractibus haec tenet tradita, ita sentio.

234 Eiusmodi debitorum veterum solutionem, modo prædicto, ad æqualem scilicet florenorum numerum, per se loquendo, à nemine necessario acceptandam fuisse; ita ut iure cogi possit creditor, ad talēm solutionem acceptandam. Hie videtur, fuisse communis sensus doctorum & bonorum virorum; quicquid forsitan in praxi nonnunquam in contrarium fuerit obseruatum; cogentibus debitoribus, præteritū si domini essent, suos creditores subditos, ad eiusmodi solutionem acceptandas: quod iustitia & æquitas naturali nullatione existimo fuisse consentaneum. Ratio est; quia naturali iure, eiusmodi debitorum solutio ad veram æqualitatem facienda erat: at vero in eiusmodi solutione non cernitur vera æqualitas; quia tametsi quoad numerum, floreni florenos exæquarent, inter ipsos tamen illos florenos nulla erat æqualitas; sed nouorum florenoru valor, unde cuncte spectaretur, non solum duplo, sed etiam triplo, & quadruplo erat inferior, idque triplici ex causa.

235 Primo, quia tam quoad intrinsecum & naturalem valorem, quam in comparatione ad constantem, semperque durabilem monetam imperialem, puta Talerum imperiale, florenus nouus non solum dimidia ex parte, sed etiam triplo, quadruplo, quintuplo, imo septuplo (pro diuersa ratione temporis) erat inferioris valoris, quam florenus veteris monetæ, eius temporis, quo debitum erat contractum. Siquidem tunc unus florenus cum dimidio summum, constituebat Talerum imperiale; adeoque etiam valorem intrinsecum & naturalem æqualem habebat eiusmodi Talerus imperialis; postea vero non nisi quatuor, quinque, sex, & deniq; decem floreni, tam secundum valorem in. 2. trinsecum, quam publicam estimationem, Talerum imperiale conciebant; ita ut proinde tandem nouis florenus ne quidem pars quinta esset veteris floreni.

236 Secundo, considerando etiam usum cōmunem eiusmodi florenorum, maxima fuit inæqualitas;

quia tametsi initio, aliquanto tempore, pro floreno nouo ac vili tantumdem fere mercium quarundam, quibusdam imperi locis, comparari potuerit, quantum antea pro veteri bone monetæ floreno; paulo post tamen, secundum estimationem eiusmodi floreni, omnium rerum premium supermodum excrevit; ita ut scapha v. g. filiginis, quæ antea vendebatur quindecim florenis, postea triginta, quinquaginta 60. 90. flor. vendoretur. Sie vnavini, quæ ante 10. flor. vendebatur mox postea 20. 30. 50. florenis vendebatur; & ita de ceteris. Præterquam quod merces omnes, extra imperium, semper longe maiori florenorum numero emere necesse fuit.

Tertio, summa etiam inæqualitas fuit inter eiusmodi florenos nostros, cum veteribus comparatos, propter mutationem & decrementum valoris publici, intra paucos annos certissimo enenturum. Cum enim ea mutatione valoris monetæ plane extraordinaria esset, & ob sp̄ciales causas præsens necessitatibus in Imperio contigisset, dubium nemini videri potuit, quin intra paucos annos valor pecuniae ad priorem statum esset redditurus; ita ut noua moneta illa, quæ tunc florenum faciebat, intra paucos annos vix tribus vel quatuor bazijis esset æstimanda. Cum ergo in pecunia valore ac bonitate æstimanda, merito etiam respici debeat duratio & constantia eiusdem valoris, ita ut ob periculum & præcognitionem publicam decremem futuri, & danni ex eo decremento consecuturi, pecunia merito minoris estimanda sit, & quidem tanto minoris, quanti periculum, seu potius certus euuentus damni futuri æstimatur; nemo non videt, eiusmodi florenos nouos antiquis, quoad valorem, & iustam estimationem nequaquam fuisse æquales, adeo ut noui floreni respectu veterum, nominales, potius, seu titulares, quam veri & reales dici possent; cum revera nō haberent pretium, nisi tertie, quartæ, vel quinta partis veteris floreni, sicut in finetadē manifeste patuit.

237 Quod si simul circumstantia eiusmodi debitorum veterum spectentur; ut quod debitores sape nos nisi summis precibus, magna difficultate vel incommode creditorum, eiusmodi mutuam pecunia summam extorserint; vel quod contrafacta fuerint ratione opera utiliter à creditoribus præstitæ &c. facile quiquis intelliget, quāt̄ iniquitas fuit, ad eiusmodi solutionem acceptandam, creditores inuitos cogere.

Et confirmatur primo: quia nemo negaverit, iniquum esse, debitorem nouum certi numeri florenorum, ratione contractus tēpore mutata pecunia ini, cogere ad eundem numerum florenorum restituendum, secundum valorem veteris pecunie: Ergo pariter etiam iniquum est, cogere creditem veteris debiti, ad acceptandam solutionem secundum taxam nouæ monetæ: quia eadem vtrobiq; est inæqualitas.

Confirmatur secundo: quia si nulla noua viliorque pecunia fuisset cūsa, sed solum valor veteris monetæ extrinseco crevisset, omnes facile intellegent, in ea, quam diximus solutione, nullam esse æqualitatem; vbi scilicet pro sex vel septem eiusdemque moneta ecclipsis, vnum tantummodo persolueretur:

ueretur; eadem vero prorsus est ratio nouæ illius & vilioris pecunie, quæ intrinseca & extrinseca aestimatione, pluris non erat, quam si veteris pecuniae valor solum extrinsecè creuisset. Confirmatur tertio; quia erga pupillos talis solutio debitorum veterum, velut iniqua, publicis iudicis est reiecta, vt mox dicetur: Ergo vniuersum etiam erga alios iusta non est. Consequentia probatur: quia iustum & iustitia non pender ex conditione personarum, sed respicit aequalitatem rerum; & quod alicuius respectu iustum est, non potest, ceteris paribus, alterius respectu iniustum esse, vt pluribus dictum quæst. I. dub. 7.

240 Respondetur II. Pro solutione debitorum veterum, quæ pupilli debebantur, nec poterat, nec debebat à tutoribus, vel curatoribus, eiusmodi solutio acceptari; nisi tutors seu curatores ipsi se se ad damna pupilli praestanda obligatos vellent. Patet ex dictis; quia hoc ipso, quod eiusmodi solutio non erat aequalis, necessario à tutoribus, quibus administratio bonorum pupilli, in utilitatem ac circa damnum eiusdem commissa fuit, respenda fuit; nisi, vt dictum, damnum ipsi vellent praefare; aut certe nolent, suo, aut pupilli commodo, eiusmodi pecunia vti, circa villum suum, aut pupilli damnum. Eaq; de causa etiam passim in tribunali bus iudicatum & decretum fuit, ne pupilli, viduae, pauperes, aut etiam Ecclesiæ cogi possent, ad eiusmodi solutionem veterum debitorum acceptandam.

241 Resp. III. Si quis tamen creditor, sui juris existens, sponte ac libere, adeoque sciens & volens, eiusmodi solutionem acceptarat, ei nulla facta est iniuria; nec potest ulterius quicquam exigere, vel ad damni compensationem agere. Hic etiam videtur fuisse communis sensus doctorum ac prudentium virorum; & passim ita fuit vsu receptum. Ratio est; quia quisque poterat cedere iuri suo; & si quid in ea re inaequalitatis intercedebat, ultro condonare: præterquam quod subinde occasio quibusdam offerebatur, eandem pecuniam mox ita expendendi, vt ex ea solutione nullum damnum sentirent. Quod si tutors ipsi, vel curatores, eiusmodi solutionem sponte acceptarunt, ex qua pupilli notabile damnum senserint, dabitur pupillis quidem restitutio in integrum; sed non aduersus priorem debitorem; sed contra tutorem & curatorem, qui eiusmodi damni causa fuerunt, præsertim si in causa fuerint, quo minus eiusmodi pecunia mox vtiliter, in bonum ac circa damnum pupillorum expenderetur, iuxta generalē regulam; qui damnum dedit, damni culpm præfere debet.

242 Ex quibus etiam multorum casuum particularium resolutio deducitur. Exempli gratia: Fieri potuit, vt officialis quispiam minister Principis, obligatus aliqui, ratione officij, ad pecunarios census Principis, ex vna vel diuersis rebus colligendos, accepit eo nomine certum florenorum numerum, monetæ bonæ ac veteris. Interim vero, post aliquot menses, antequā rationes accepti rediderentur, mutauit monetæ pretium; ita vt Talerus imperialis, qui à ministro sub valore tantum sesqui floreni acceptus fuerat, sensim ad quinque, vel de-

cem florenorum valorem excresceret: quæritur an minister ille potuerit, tempore rationum, in florenis illis Principi soluendis sequi valorem & aestimationem, noui illius ac viliis floreni, quæ tempore rationum habebat; non obstante hoc, quod magna pars eorundem florenorum secundum valorem antiquum esset accepta. Eademq; est ratio aliarum pecuniarū veteris monetæ.

Et quidem ex vna parte videri potest id licite fieri potuisse; quia talis per commixtionem acquirere potuit dominium eius pecunie, quæ nomine Principis, ante mutatum pecunie valorem accepit. Quare incrementum eiusdem pecunie & lucrum ex eo consequens, videtur non ad Principem, sed ad illum pertinuisse; ratione quasi industria, in ea seruanda locata. Præterquam quod præsumi poterat condonatio ex parte Principis, vbi deceplum eius lucri, siue pretij, nemo fortassis magnopere urgebat.

Verum respondetur, id iuste fieri non potuisse; 243 tum quia debitum illud florenorum, ex ea parte, de qua sermo est, contractū erat eo tempore, quo floreni erant multo maioris valoris: Ergo Officialis iste non poterat Principi, pro eo florenorū numero, satisfacere aequali numero florenorum valoris mutati, vt superius dictum n. 234. tum quia cum ea pecunia veteris monetæ, & secundum antiquum valorem acceptæ, fuerit iam Principis; ita saltrem vt officialis, quantum intererat, eius loco aliam præsentem repræsentare teneretur; ideo accrementum ac lucrum ex ipsa per se pecunia (supposita publica aestimatione) non autem ex illa conseruantis industria, proueniens, Principi, non Officiali accrescebat, iuxta receptum illud: Nobis communiter accedit, quod è re nostra nascitur, l. 2. & 6. ff. de acquif. dom. & l. 5. ff. de rei vindic. &c.

Addo, tantum abesse, vt præsumi possit, Principem eiusmodi tam notabile lucrum (aliquid milium florenorum) velle condonare; vt nec ipse quidem iure potuerit, in manifestum detrimentum boni publici, vbi scilicet ea pecunia, magnam partem, ex labore, sudore, & damno subditorum extrahebatur; præsertim in tanta aliquin penuria ac necessitate pecunia, ob præsentes & ingentes bellum sumptus, eiusmodi condonationem facere. Secus si lucrum illud solum fuisse paucorum aliquot florenorum, quorum iactura in magna summa forte non aestimaretur.

Quod vero ad contractum emptionis attinet, 246 maxima in eo genere interuenit commutationis inaequalitas. Initio enim quidem, breui tempore, cum nondum satis animaduerteretur nouæ pecuniae vilitas, merces omnes eodem ferè florenorum numero vendebantur; postea vero, animaduersa pecuniae vilitate, paulatim in duplum triplum, quinuplum, iuxta nouæ pecuniae taxam, rerum, omnii pretia creuerunt; quod fere etiam aliquandiu tenuit, postquam moneta pristino valori fuit restituta: vt necessariò dicendum videatur; aut initio multo vilius iusto, aut postea carius, quam par erat, omnia fuisse vendita & coempta.

Nihilominus breuiter dico; cum eo perturbato Reipub. statu, nullæ certæ leges, de pretijs rerum præscriptæ essent, nec ferè etiam seruari possent;

variabat enim, & Magistratu connuente, quasi continenter crescebat rerum pretium; nihil etiam in particulari certi definiti posse: sed vniuersum existimandum, ex parte pretij, iustas fuisse emptiones & venditiones, iuxta diuerositatem temporum, publico & communis visu, Magistratus auctoritate non improbato, receptas; quia in eo casu, ubi leges absunt, communis visus & aestimatio rebus pretia indit, ut generatim dictum, dub. 2. Quo supposito, si quæ forsitan à parte rei inæqualitas interuenit, censentur contrahentes, ubi nulla alioquin vis & coactio interuenit, præsertim in re incerta acancipi, facere condonationem.

248 Nec obstat, quod etiam post pecunia valorem denuo ad pristinum statum revocatum, nihilominus rerum pretia eodem fere, aut non multo minori numero florenorum, seu baziorum vendebantur; quia hoc ipsum quamdiu a magistratibus tolerabatur, factū fuit, quasi in compensationem eius danni, quod cum ex mutatione eius pecunia, cum initio ex viii admodum venditione rerum, respectu veteris pecunia, venditores passim senserant: ita ut mercatores sicut initio vrnam vini v. g. pro uno vel altero Talerio vendebant; ita etiam post restitutum pecunia valorem, oculo vel decem Taleris, quasi compensatione facta, venderent; donec publica auctoritate rerum pretia ad antiquum fere statum essent redacta.

249 Quod vero ad locationem, & conductionem operarum, in omni officiorum genere spectat, magna difficultas est. Nam ut a mercenariis seu operariis diurnis incipiamus, constat eorum mercedem diurnam, pro ratione accretionis pretij rerum omnium venalium (saltē pro tempore, quod non ita multo post mutationem pecunia consecutum est) minime accreuisse. Quamuis enim eorum merces diurna ex tribus bazis v. g. paulatim creuerit usq; ad quatuor, quinque, sex bazios, adeoque in duplum; multo minus tamen id fuit accretione pretij, que ceteris rebus omnibus, ipsique adeo frumento, ob mutationem pecunia, non solum in duplum, sed triplum, quadruplum accessit, ut superius dictum.

250 Non minor difficultas est de ijs, seu Ecclesiasticis, seu secularib; personis, quibus cum annum suum stipendium solum in pecunia, ad certum florenoru numerum solueretur; ita ut cum aliquibus v. g. deberentur trecenti; alijs quadringenti, aut mille, floreni; post pecunia mutationem, quo, ut dictum, Taleri pretium excrevit usque ad decem florenos, non soluerentur. pro toto anno stipendio, plus quam quadragesima, quinquaginta, vcl centum Taleri; quamvis secundum aestimationem veterem, pro his alias deberentur fere trecenti, quadringenti, septingenti Taleri.

251 Ad hoc respondeo, plane satendum esse, eam pecunia mutationem toti ferè communitat admodum noxiā fuisse, ac præsertim ijs, qui pecuniario stipendio se suamque familiam sustentabat. Et quia mercium pretium ex eo vel maxime creuit, quod non solum valor pecunia mutatus est, sed etiam ipsa pecunia species adeo de bonitate degenerauit, nemine eiusmodi pecunia satis fidente, ideo hinc etiam rationes conscientia sua subducere debent illi, qui primi auctores eiusmodi monetæ mutationis fuerunt. ut dictum superius, q. 6. dub. 12.

252 Iterum quia supposita mutatione semel facta, mulque publicæ necessitatis ratione habita; fieri vix aliter poterat, quin perturbato semel rei monetaria statu, plurima incommoda priuatis orientur, que publicæ necessitatibus postponenda essent; nō facile est in particulari definire, cuinam parti, locatori ponit, an conductori operarum, damnum cuiusmodi imponendum sit: præsertim quando ex ipsiusmodi locatibus operæ vix quisquam erat, qui non salterna quafdam operas suas vendere carius posset; aut certe talias similiter necessarias operas conducere vilius.

Reuera tamē summa æquitatis erat, vt quemadmodum mercenariorum diurna merces, cum ceterarum rerum pretio saltē aliquā ex parte crevit; ita ijs quoq; qui ex annuo stipendio viuerent, solum salaryum quantum ad florenorum numerum, augeretur; aut certe aliunde quædam compētatio fieret. Quod in primis etiam faciendum fuerit erga Parochos, seu beneficiarios alios, qui suos reditus, aliqui in certa portione fructuum positos, cū suis patronis commutarent, vt eorum loco, certam aliquā solum pecunia summam annuatim recipient; cū alias ea commutatio in magnam inæqualitatem degeneraret, non sine magno eiusmodi Parochorum damno: qui ex summa illa pecunaria ducentorum, aut trecentorum florenorum, hoc est, viginti, aut triginta Talerorum, annuatim percipienda, vix ac ne vix quidem viuere poterant.

Deniq; circa mutuum duplex difficultas occurrit; prima quid de solutione veteris mutui sentiendum: possetne, post eam pecunia mutationem, iuste pro certo florenorum numero æqualis numerus in solutione reddi. Sed de hac re iam dictum est initio dubitationis à n. 234.

Altera difficultas est de nouis mutuis, quæ post mutationem pecunia, peracta sunt; licetne pro certo florenorum numero pacisci, de restituione æqualis numeri florenorum facienda, etiam post restitutum antiquæ monetae pretium.

Respondeo hoc paclum varijs modis accidere, potuisse, de quibus aliter atque aliter sentiendū est. Primo, ita ut mutuanti constaret, de restituendo ad condicium tempus pristino pecunia valorem, in modo expresse pacisceretur, sibi eiusmodi florenoru summam non esse restituendam, nisi post restitutum pristinum pecunia valorem.

Et hic contraactus, per se loquendo, utique iniustus & vñrarius fuit; qui proinde mutuantem ad restituionem excessus obligat.

Ratio est; quia mutuans vi solius mutui, multo plus in solutione exigebat, quia ipse mutuatio dederat; siquidem centum floreni v. g. bona ac veteris moneta, siue secundum se & intrinsecum valorem, siue secundum aestimationem publicam, in ordine ad Taleros, aliasq; stabiles monetas, siue in ordine ad communem vulnus spectati, plusquam triplo, quadruplo &c. maiorem valorem habebant, quam floreni totidem, vilis ac nouæ moneta, vi in iusto dictum resp. 1. Et vtq; crassa nimis & intolerabilis vñsura est, vi mutui pro centum v. g. taleri imperialibus, ferè septingentos; pro ducentis, plufquā mille trecentos taleros eiusdem speciei, bonitatis & valoris velle exigere. Dixi tamen per se; quia per accidentem subinde aliter evenire potuit, vt mox dicetur.

Secun-

255 Secundo contractus ille mutui ita transfigi potuit, ut ab iunctio mutuatio concederentur centum floreni vili pecunia, mutuanti postea, cum primi mutuatio liberet, restituendi, quo casu difficultas est, an si mutuarius solutionem distulisset in id vlt. que tempus, quo iam valor pecunia ad pristinum statum redierat, teneretur mutuanti numerare totidem florenos bonæ ac veteris monetae.

256 Respondeo; per se non tenebatur: quia mutuans talem restitutionem ab initio iuste exigere non poterat, sine viura virtio vt dictum, & ea non erat mutuarij pacientis mens ac intentio; cum nemo præsumi possit sibi adeo notabiliter tali contractu voluisse incomodo dare: per accidens tam id fieri poterat, ratione lucri cessantis, vel damni emergentis; si mutuans nou minus utiliter eum quamvis vilium florenorum numerū expendere potuisset, &c. quā postea equalē florenorum veteris moneterū numerū: modo de hac ipsa re mutuarius esset monitus, resque in pactum deducta, vt generatim dictum dub. 2. & 3.

Et hac eadem ratione, si aliter lucrum cessans, aut damnum emergens resarciri non potest, nisi restitution fieret secundum estimationem veteris monetæ, expresse etiam pacienti licuisse, de restitutione totidem florenorum, secundum estimationem veteris monetæ facienda, vti in priori casu dictum fuerat: in cuius proinde resolutione, notanter dixi id per se, secluso speciali titulo, per accidens interueniente, non licuisse.

257 Huc etiam pertinet titulus donationis. Fieri enim potuit, vt aliquis ex præfenti pecunia sibi mutuo data facile minus etiam lucru caperer, quā sit illud, quod mutuans postea ex superabundante illa solutione percepturus esset, ideoque volens ac libens, facta condonatione indebiti excessus, se promitto obstringeret, ad superabundantē illam solutionem exhibendam. Et tunc si de ea donandi voluntate, & subsecuta inde promissione constaret, teneretur is quidem ad eam solutionem, non quidem vi mutui, sed vi liberae promissionis à mutuario acceptata, vt vniuersim dictum dub. 2. 3.

Tertio ita contrahi mutui potuit, vt cum virinq; dubium esset, tam de incremento, quam augmento valoris pecunia, absolute inter contrahentes conuenire, de æquali numero florenorum soluendo; & tunc si virinq; par dubium fuit, parisque incrementi vel decrementi dubia expectatio, iuste virinq; potuit mutuans æqualem florenorum numerū restituendum pacisci; quia vterq; contrahens pari periculo lucri vel damni se in talis contractus exponebant. Idque ipsum haud scio, an non sub initio mutationis pecunia, per aliquod tempus, reipsa accidere potuerit, siquidem constare non poterat, an valor pecunia post annis spatium, incrementum esset sumpturus, an decrementum.

Quarto denique potuit contractus similis iniri non per modum mutui, sed societatis: ita vt habens v. g. præsentem summam aliquot millium florenorū viliis monetæ, cum alio habente occasionem & voluntatem negotiandi & lucrandi, oblata pecunia conuenire de recipienda post anni spatium, ac restitutum pristinum pecunia valorem, æquali florenorum bonæ ac veteris monetæ summa. Et tunc si

negociatio illa tam lucrosa censi posset, vt omnibus spectatis, tantum lucri pecuniam illam conferenti obuenire merito existimaretur (iuxta dicta superiorius de contractu societatis) contractus talis itidem iustus esse potuit. Sed reuera hoc vix est morale, quia moraliter nulla tam lucrosa negotiatio esse potest, vt salua parte lucri eius, qui operam confert, ei qui solam pecuniam contulit, in singulos florenos quatuor, quinque, aut etiam sex florenorum lucrum suppeditare possit.

Ex quibus etiam aliqui causi particulares, (quales 259 occurrit passim potuerunt) dissoluvi possunt. Primus est; Quidam mutuo v. g. dedit mille florenos, ea lege, vt mutuarius biennij spatio, ea pecunia gratis vteretur, nec pro ea censum soluere tenetur; at vero post bienniū elapsum, teneretur ad integrā sumam totidem florenoru numerandā; an hic contractus fuerit iustus & necessario seruandus.

Respondeo, si mutuans hoc ipsum expresse intendit & pactus est, vt non nisi post biennium, quo tempore pecunia iam in pristinum statum esset restituta, ea solutio præstaretur; aut si ita publice existimatatur, post eiusmodi biennium, pecuniam probabilitate ad pristinum valorē reddituram, eiusmodi contractum ex parte mutuantis, perfelo quēdo, ac nisi specialis aliis titulus interuenierit, puta donationis, lucri cessantis, aut damni emergentis, &c. nequaquam fuisse iustū, sed vñsurarium, etiam si interim mutuarius nullo suo detrimento eam pecuniam exposuisset. Ratio est, quia vi mutui plusquam dederat, depactus est, vti in secunda responsione superiorius dictum.

Nec obstat, quod ad biennij spaciū pro ea summa nullus census fuerit acceptus: non solum quia hic ipse census, quinque pro centum, ex vi mutui præcise non debebat, vt constat ex dictis dub. 3. sed etiam quia illa census remissio nequaquam compensat excellū illum sortis in restitutione exhibēdā, qui videlicet non solum est florenorum quinquaginta in mille, sed plusquam duplū, triplū, quadrupliclū totius summae, pro ratione valoris excrescentis, quē pecunia tempore contractus habebat.

At vero si tempore contractus incertum esset, an valor pecunia, incrementum potius, an decrementum esset sumpturus: aut etiam, si titulus donationis, lucri cessantis, vel damni emergentis per accidens interueniens & in pactum deductus, aleam compensationē iuste exigebat, contractus eiusmodi in iustus nequaquam fuisse, vt antea dictum.

Quod si etiam seclusis eiusmodi titulis, contractus virinq; bona fide esset initus, & mutuarius sponte in eiusmodi contractum consensisset; contra vero mutuanti non defuisse occasio ac voluntas eam pecuniam suo commodo expendendi, saltem ad merces aliquas coemendas; ne mutuans bona fide grauius damnum patiatur, vtendum esset aliqua transactio; quæ merito in omni eiusmodi dubio contractu interponenda est; spectato rum ex parte creditoris, lucro cessante, tum ex parte mutuarij lucro, quod ex ea pecunia nactus est; non ita quidem, vt totum commodum mutuanti transcribatur; sed vt (velut in contractu societatis) eius ex aliqua parte fiat particeps. Quod si in tali casu solutio mutuata pecunia oblata fuisse ante resti-

tutum pristinum pecuniae valorem, tunc de eo perinde iudicandum esset, ut de casu sequente.

Secundus casus. Quidam itidem, cum taleris imperialis valeret decem florenis, mutuo alteri dedit mille floros post annis spaciū restituendos; idq; nulla census mentione facta. Interim vero lapsus temporis accidit, vt Taleris reuocaretur ad valorē quinque florenorum. Mutuarius timens, ne forte intra breve tempus, nimis ante elapsū anni spaciū, à tempore initi contractus, valor Taleri adhuc magis diminuatur, obtulit mutuantī, per certum internuntium, ad proprias eiusdem ædes alegatum, restitucionem mutui, secundum currēns Taleri pretium, ita vt pro centum Taleris mutuo datis qui tempore contractus mille floros conficiebant, solvere vellet ducentos Taleros, eandem sumā mille flororum confidentes, paratum interim se ostendens, quo vellet etiā alio moneta genere, fortem mille flororum mutuo acceptā restituere. Hic vero mutuans deceſsum majoris lucri refugens, respōsum dedit, primū post annū spaciū ex pacto esse restituendum. Itaque suam interim pecuniā vt mutuarij retineat velle. Elabitur interim anni spaciū, à tempore initi contractus, cum pecunia pristino valori restituta est, ita vt Taleris non valeret nisi sesqui floreno. Quo facto à mutuante condicuit restitutio mille flororum, secundum estimationem presentem; ita enim conuentum fuisse, vt fieret restitutio mutui post annū spaciū. Quæritur, an ea postulatio iusta sit, & necessario executioni mandanda.

Respondetur, quia mutuans initio non intendebat, nec in pactione expresserat, vt mutuatio fas non esset, mutuum ante elapsū anni spaciū restituere, si vellet, præsertim cum id, stante opinione futuræ diminutionis valoris monetæ, per se loquendo, iuste intendi, aut in pactum deduci non posset, vt superius dictum n. 254. ideo adiectum, solutionis terminus, ex communī Doctorum sententia, in favore mutuarij explicandum fuisse; ac proinde mutuante non potuisse iuste, restitucionem mutui oblatam, etiam ante elapsū anni spaciū, simpliciter recusare; ita scilicet, vt non solum pro præsenti diceret, sibi iam commodum non esse, huic rei vacare; sed etiam absolute negaret, se ante elapsū anni spaciū, debiti solutionem acceptaturum.

Quo sit, vt cum mutuans ipse, iniqua recusatio solutionis debiti, causa fuerit, ne debitum ante exactum anni spaciū, & restitutum ex integro pristinum pecuniae valorem, restitueretur, mutuarius imputari non possit restitutio mora, vel etiam dampnum, seu potius iactura maioris ac nimium excedentis lucri, quod mutuans sibi desesse, conqueritur. Quia iuxta regulam iuris 41. in sexto, imputari non debet ei, per quem non fiat, si non faciat, quod per cum fuerat faciendum, & regulam 60. Non est in mora, qui potest exceptione legitima se tuersi. Eetursum ibidem reg. 66. Cum non fiat per cum, ad quæ pertinet, quo minus conditio impleatur, haberi debet perinde, ac si impleta fuisse.

Ex quibus concluditur, nec mutuarij teneat ad summam illam mille flororum persolendum, iuxta valorem pecuniae, ex eo tempore re-

stitutum, quo solutionem ipse prius obtulerat; nec mutuantem posse excessum eius solutionis bona conscientia accipere, vel retinere, si vi eiūmodi contractus eam receperit. Præterquam quod perse loquendo, ea ipsa solutio à mutuarij oblatā, formam à mutuante datam adeo notabiliter excedebat, vt nec illam ipsam quidem, ex sola vi mutui, secluso alio speciali titulo, iuste accipere posset, vt in secundo pronuntiato superioris dictum n. 256.

Et quamvis non nesciam, inter iure consulitos alioquin controverti, an vnica oblatio, eademq; solum verbalis, purget moram debitoris, ne dampnum, si quod ex dilatione solutionis à creditore non acceptata sequitur, ipsi imputetur; id tamen ad institutum præsens nihil facere satis constat: quia controuersia illa inter Doctores solum est, quando incommode solutio offertur; aut certe creditor non simpliciter & absolute recusat acceptationem solutionis, ante certum quandam terminum ab eodem designatum; sed solum in præsenti oblatam debiti solutionem recusat; nihil prohibens, quo minus alio quovis tempore à creditore denou offeratur, nec adeo etiam excludens voluntatem acceptandi solutionem, ante designatum ab eo tempus: cuius contrariū in proposito accidit, vt dicitur.

Certe in contrarium nullus textus iuris adferri potest: & manifeste iniqua esset constitutio, que creditori inique recusanti solutionem, interesse, damni emergentis, vel lucri cessantis, ex dilatione solutionis subsequens, adiudicaret. Qui nemo ex sua culpa commodum sentire debet, nec culpam, innocentis præstare, innocens. Et iuxta regulam 25. in sexto. Mora sua culibet (non alteri, qui causa moræ fuit) est nocina. Et regula 86. Dammum quod quis sua culpa sentit, sibi debet, non alijs imputare. Et regula 173 ff. de diversis regulis iuris; Vnicinque sua mora nocet. Et regula 203. Quod quis ex culpa sua dampnum sentit, non intelligitur dampnum sentire. Denique ex communī Theologorum sententia, furad restitucionem obligatus, purgasce morā censetur, si rem semel domino oportune obtulerit, vt dictum quæst. 6. dub. 9. n. 258.

Quod si tamen oblatæ solutionis recusatio non absoluta, aut non admodum seria videri potuisse, eaque de causa, quædam ex parte debitoris negligencia intercessisset, in offerenda denou majori ei efficacitate solutione, existimante bonafide creditore, debitorem sponte ac libenter eidem recusationi seu dilationi solutionis faciendæ acquiescisse; si que ex altera parte creditor ab initio contractus iure potuit ita pacifici, vt etiam restituto pristina pecuniae valorem, pro mille florē parus valoris, elapsō anni spaciū, (nisi citius restituissentur) restituendi essent mille florē boni ac pristini valoris, hoc est, pro centum taleris imperialibus plures sexcentis, iuxta ea, quæ superius dicta sunt; tunc quia vtrinque culpa intervenisset, merito per transactionem, iuxta prudentium arbitrium, lis componenda esset. Atque hæc ad propostum satis.